

O NAI TALA PUPU'U MO TAMAITI

SHORT STORIES FOR CHILDREN



Pac
PZ
850829
.55

TRIAL VERSION
FA'AALIA SOU TAOFI, FA'AFETAI

**O NAI TALA
PUPU'U MO TAMAITI**

Written by


ALAISEA IOSEFA

Illustrated by

VERNETTE MINER

O 'OTI E TO'ATOLU


THE THREE GOATS



Sā mau se 'au uso o ni 'oti e
to'atolu i se tasi nu'u tu'ufua. Sā
mau 'ilātou i lea nu'u ma le fiafia
lava. Peita'i ina 'ua o'o i le tasi
aso, ona fai atu lea o le 'oti matua,
"ō maia nai o'u uso fo'i, tatou ō e
sā'ili se vaomu'a tātou te 'a'ai ai i
lenei aso."

Ona ā ai lea o le 'oti la'ititi ma
le 'oti feololo e su'e se vao.

"Uso matua e, 'ua mā'ua mauaina
le vaomu'a," o le tala atu lea a le 'oti
la'ititi.



"I fea?" o le fesili fa'atopetope
atu lea a le 'oti matua.

"I tala atu o le 'auala laupapa,
o lo'o tafe ai se vaitafe i lalo ifo,"
o le tali lea a le 'oti feololo.


E lelei lenā, a 'uma ona tātou 'a'ai
ona tātou feinu ai lea i le vaitafe," o
le tala lea a le 'oti matua ma ua foliga
fiafia lava. fiafia lava.

"Ae oso atu loa ma le tala a le 'oti
la'ititi, ma fa'apea atu.

"'Oi! na 'ou fa'alogo o lo'o mau
se sau'ai i lalo o le 'auala laupapa.
Fai mai o lona ma'oi o 'oti. 'Ou te
lē mana'o lā e 'avea a'u ma mea'ai
a le sau'ai."

"Se 'aua 'e te popole," o le tala
lea a le 'oti feololo.

"Oi, o leā le uiga o lenā tala, 'aua
le fai tala valea, ō oulua 'ae 'ou fa'a-
tali atu," o le tali lea a le 'oti la'iti-
ti, ma ona fōliga pei o se tagata o le'ā
o'o 'i ai se fa'asalaga.



'Ae lē i 'uma atu le fa'amatalaga
 a le 'oti la'ititi 'ae pā le 'ata
 a le 'oti feololo.

"'Oi 'e te atan Fa'apea ā 'oe se mea
 faigofie le fefe," o le tala lea a le
 'oti la'ititi, ma ona fōliga 'ua 'āmata
 ona fa'ali'i.

"Ia, fa'ali'i fa'apea 'ou te le kea
 'i ai," o le tala lea a le 'oti feololo.

"Sau lā ta fusu," o le tala lea
 a le 'oti la'ititi ma lona loto 'ua na o
 to'i ma naifi i lona fa'ali'i.

"Ei! 'ua lava lenā pisa 'ae
 ō mai," o le tala lea a le 'oti matua.
 "Ō mai tātou o. A fai pea lo 'oulua pisa,
 tātou te mōmole lava i le fia 'a'ai
 'ae o le lā e tele le vaomu'a i le la
 itū o le vaitafe."

Na lātou savalivali loa 'āga'i i
le 'auala laupapa.


"O ai lā o tatou e muamua e fai
ai le 'aiga o le aoāuli a le sau'ai?"
o le fesili fa'atopetope atu lea a le 'oti
la'ititi ma si ona leo 'ua tau lē lagona.


"O 'oe e tatau ona muamua," o
le tali lea a le 'oti matua.

"O! lēai, 'aua le faitala valea,"
o le tali lea a le 'oti la'ititi ma 'āmata
ona tau solomuli i tua.

'Ae oso atu le 'oti matua ma fai
atu, "Va'ai 'oe, fa'alogo lelei mai.
Sau, 'e te alu muamua. A vala'au a'e
le sau'ai ona 'e fai lea 'i ai e fa'atali-
tali la'ititi se'i alu atu lou uso feololo,
e lelei e peti ma mānaia i le 'ai."

Sā fa'apēnā loa ona fai e le 'oti
la'ititi. 'A'o savalivali atu o ia i
luga o le 'auala laupapa, sā fa'alogo
ane 'i ai le sau'ai, i le pā'ō'ō atu
o vae o le 'oti la'ititi.





"O ai lea e savali ane i luga o lo'u 'auala laupapa?" ua fesili mai ai le sau'ai ma lona leo paū lava.

"O a'u," le tali lea a le 'oti la'ititi.

"O ai oe?" ua toe fesili atu ai le sau'ai.

"Le 'oti la'ititi," tali a le 'oti la'ititi, ma lona tino o lo'o tetete i le fefe.

"Ia, 'ua maua la'u mea'ai o le aoaul'i," o le vala'au a'e lea a le sau'ai.

"Lēai," ua tali mai ai le 'oti la'ititi, ma savali lava 'āga'i 'i le isi itū o le 'auala laupapa. "E sili lou fa'atalitali teisi se'i sau lo'u uso e feololo atu lona lāpo'a, e lelei 'e te mā'ona ai."

"Ia, 'ua lelei, fai lā le tonu lēna," o le tala lea a le sau'ai ma ua etoeto ma fa'asusū ona laugutu i lona laulaufaiva ma fa'atalitali.

E lē i 'umi le te'a atu o le 'oti la'ititi 'ae toe fa'alogo atu fo'i le sau'ai 'ua pā'ō'ō mai se mea i luga o le 'auala laupapa.

"O ai lea 'ua na solia mai lo'u 'auala laupapa?" o le fesili lea a le sau'ai.

"O a'u," o le tali lea a le 'oti feololo.

"O! o 'oe lā lenā e peti ma lelei i le ai?"

"Oi, 'aua 'e te valea, e sili ona 'e fa'atalitali tēisi, toeititi taunu'u mai lo'u uso matua. E tino lelei, ma 'ou te fai atu 'e te fiu e 'ai e lē 'uma."


"Ia 'ua lelei, manuia le malaga," tala lea a le sau'ai ma 'ata'ata, ma fa'apea ifo lana tala 'iā te ia lava, "O! e tatau lava lā ona lava ai lenei vaiaso i le ali'i lea e mulimuli mai."

E lē i levaleva atu, 'ae fa'alogoina loa e le sau'ai le patia, patā, patia, patā, o le la'ala'a mai a le 'oti matua. Na vave loa ona 'e'ē a'e le sau'ai. "O ai lea 'ua lē māfaufau ma saga pa'ō i luga o lo'u 'auala laupapa?"

Tali mai le 'oti matua, "E ā? O leā le mea 'e te mana'o ai?"


"'Ou te mana'o 'iā te 'oe e fai ai la'u mea'ai o le aoauli," upu lea a le sau'ai. Ma tū loa i luga ma savali a'e i luga o le 'auala laupapa.

'Ae fai atu le 'oti matua, "Oi, o leā lā le mea 'ua tuai ai ona 'e sau i luga nei?"



Tamo'e ane loa le sau'ai 'āgai i
luga o le 'auala laupapa ma lona loto 'ua
tumu i le fiafia.

E tau onoono a'e le ulu o le sau'ai
i le autafa o le 'auala laupapa 'ae tau ai loa
le kiki a le 'oti matua ma fa'asi'ivaelua
lana tamo'e i le isi itu o le 'auala
laupapa. Na pa'ū le sau'ai i le vaitafe
ma malemo ai. Ona 'a'ai ai lea o
'oti e to'atolu i le vaomu'a ma le fiafia
lava.



Once there were three goats. They were always hungry, for they couldn't find enough grass to eat.

One day, they saw some beautiful green grass growing on the other side of a bridge. But under the bridge lived a monster who liked to eat goat meat for breakfast, lunch, and dinner.

The goats finally decided they had no choice but to cross the bridge to the green grass on the other side. They followed the oldest goat's plan carefully and managed to trick the monster. The three goats were able to cross the bridge safely and get rid of the monster forever.

O SINAPATI LE SEILA


SINBAD THE SAILOR



ПАРАДІС
АНДЕ ЗІ
СОЮЗНИЙ ГАУРІ

I le tele ma le tele o tausaga
 'ua mavae 'a'o le'i lava le mālamalama
 o tagata e uiga i isi itū o le lalolagi
 ma mea o iai, e to'atele ni tagata
 faimalaga na toe fo'i mai i se'aai e ta'ua o
 Pakatata, ma fa'amatala ni tala e uiga i
 tagata 'ae maise manu fetolofi, manu felelei
 ma le tele o mea sā lātou va'aia po'o ni mea
 na tutupu 'iā te 'ilatou.

O le tala lā lēnei sa faamatalaina e se
 ali'i fai'oloa e suafa 'iā Sinapati i ana nō
 i Pakatata, e uiga i se tasi o ana malaga.



Ina 'ua foi mai la'u malaga muamua,
 sā tonu i lo'u manatu o le'ā o'u nofo
 lelei i Pakatata mo aso o totoe o lo'u
 olaga. Ina 'ua mavae atu ni nai tausaga
 ona oso mai fo'i lea 'iā te a'u le fiu
 i le olaga fīfīlēmū. Ma sā 'ou lagona
 le toe fia fo'i atu i le sami. Na 'ou
 alu loa ma fa'atau mai ni 'oloa na 'ou
 mautinoa e taulia pe'ā fa'atau atu i
 tagata o isi atunu'u na 'ou fia āsia.
 Na mātou faimalaga fa'atasi ma ni isi o

tagata fai'oloa mai Pakatata lava. Sā
 'ato'atoa lo'u māfaufau o ni tagata
 fai'oloa lelei ma le fa'amāoni ia na
 mātou malaga fa'atasi.


Na mātou tūlau'ele'ele muamua lava
 i se tasi motu tu'ufua ina 'ua mavae se
 afā sa mātou fetaia'i i le sami. O se motu
 matagōfie tele ona o le oneone pa'epa'e mānaia
 i ona matāfaga, lanulau'ava o ona atu mauga,
 ma le anoano o lā'au 'aina 'ae maise
 le leo mālie o le tafe o ona
 vaitafe laiti.

Na tau fai taufetuli lo mātou
 'auva'a ma tau fua o lā'au 'aina. Sā
 'ou le vaai i ni fale po'o ni tagata i
 lea motu. Na feoa'i solo la mātou
 'aumalaga 'ae 'ou nofonofo i lalo o se
 mea paolo ma 'ai a'u mea'ai na 'ou alu
 ma a'u. Na fai sina a'u moe ina 'ua 'uma
 ona 'ou 'ai. 'Ou te lē iloa le 'umi

na 'ou moe ai. Ina 'ua 'ou te'i a'e, sā 'ou lē lagona ni leo o la mātou 'aumalaga. Na 'ou tū fa'avave a'e loa i luga ma 'ou tau vala'au. Peita'i na lēai se isi na tali mai. Na'o manu felelei ma vaitafe na 'ou fa'alogoina. Na 'ou vaai aga'i 'i le sami, ma 'ou iloa atu ai le va'a fa'ato'ā lilo atu lava i tafatafā'ilagi.


"'A na iloa lava 'ou te nofo fīlēmū a'u i Pakatata," o o'u māfaufauga ia na oso a'e i lenā taimi. Peita'i 'ua lēai se aogā o ia mo'omo'oga.

Sā 'ou savalivali solo ma va'ava'ai se togafiti po'o se 'aula e mafai ona 'ou sola 'ese mai ai mai lea motu tu'ufua. Na 'ou a'e i se lā'au umī lava, ma 'ou tilotilo āga'i i le sami. Na 'ou lē va'aia se mea e tasi vaganā peau o le sami. Na 'ou fāliu ma va'ai āga'i i uta ma ma 'ou iloa atu ai se mea pa'epa'e e uiga 'ese lona telē. Na 'ou fa'avave ifo loa i lalo mai le lā'au ma tapena 'uma a'u mea ma tu'u i totonu o la'u 'ato ma 'ou savali loa e va'ai po'o le ā lea mea.




Ina 'ua 'ou latalata atu 'i ai na fōliga mai peiseai o se polo lāpo'a lava. Na 'ou ofo i le tele tele o lea mea. Na 'ou taunu'u atu ma 'ou tagotago fa'aetete 'i ai. E vaivai ma lāmolemole lona tino. Ona o le mauāluga na lē mafai ai ona 'ou 'a'e ai i luga. Na 'ou savali fa'ata'amilo ai ma faitau a'u la'a. E tusa e limasefulu a'u la'a fa'ata'amilo i le tino 'o lea mea uiga'ese.

Na fōliga mai o le ā pō 'ae le i goto le lā. 'Ae na fa'afuase'i lava ona



peiseai ua pogisā le laufanua na 'ou tū ai. Peiseai o se ao 'ua na punitia le lā. 'Ae peita'i e lē o lea. O se manulele mata'utia lona telē na lele a'e i o'u luga. Na vave ona 'ou manatuaina tala a isi ali'i folau na fa'amatala, ina 'ua lātou taunu'u atu i Pakatata; tala e uiga i manulele ofoofogia e ta'ua o Roka (roc). Na oso ifo 'iā te a'u le manatu o le mea pa'epa'e lea o le fua o le roka.

Na sa'o lava la'u mate, 'auā na lele ifo le manu ma taoto i luga o le fua.



Toeitiiti lava a tū le isi vae telē o
 le manu 'ia te a'u. O le telē o le vae
 e tasi e pei o se ogālā'au. Na 'ou lē
 toe fa'atali loa. Na 'ou tago loa i le
 'ie na fusi i lo'u ulu (faufautū) ma
 tatala 'ese mai, ma saisai fa'atasi ai
 a'u ma le vae o le manu, ma lo'u fa'a-
 moemoe fa'apea e usu 'ese atu le manu
 i le taeao ma 'ave 'ese atu ai ma a'u,
 mai lenei motu tu'ufua. Ma, na taunu'u
 lava e pei ona 'ou fa'amoemoeina.

I le tatafa mai o ata i le vaveao na soso'o ai, na lele 'ese atu ai le manu. Na lele mauāluga ma sa 'ou lē iloa faitau le lau'ele'ele. 'Ua 'ou te'i lava ina 'ua fa'afuase'i ona fa'aifo i lalo le manu. Ma, semanū a 'ou matapogia. Sā toe tūlau'ele'ele le manu ma sā fa'avave loa ona 'ou tatalaina le faufautū mai lona vae. 'A'o lē'i matale lelei 'ese le faufautū 'ae toe fa'afuase'i ona toe lele a'e i luga le manu. Na 'ou pa'ū ma 'ou ta'atia i luga o le palapala. Na 'ou iloa atu se gata (snake) telē o lo'o ū i le gutu o le roka ina 'ua lele 'ese atu.

Na 'ou tū loa i luga ma ou va'ava'ai solo. Na o ni gata na 'ou va'aia o fetolofi solo i lalo o'ma'a ina 'ua

lagona le 'apatā o 'apa'au o le roka.
 E lē gata i lea, o le vanu na 'ou
 iai i totonu, o se vanu vāiti; ma, o
 ona autafa, o mauga maualuluga e o'o atu
 lava i ao, 'o ō lātou tumutumu. Na 'ou
 lē iloa pe fa'apēfea ona 'ou sao 'ese mai
 lea vanu, ona e si'omia i maugapapa.


Nā 'ou fealualua'i solo ma fa'asolo-
 solo o'u māfaufauga, "'Ailoga 'ua sa'o
 lo'u tu'ua o le motu tu'ufua." O o'u
 māfaufauga ia na oso ane i lea taimi.
 Peita'i na 'ou va'aia le anoano o
 Taimane i luga o le fogā'ele'ele. Na
 fa'atumulia a'u i le fiafia 'ae peita'i
 na vave fa'amutaina ona o le tele o gata
 fe'ai na 'ou va'aia. O ni gata uiga
 'ese lo lātou lāpopo'a, ma le 'u'umi.
 E faigōfie i se gata la'ititi ona folo
 'ātoa se elefane. 'Ae ui i lea, na 'ou
 saogalēmū ona a o'o i le ao ona lalafi lea
 o gata ona o le fefefe i le roka, 'ae a o'o
 i le pō ona fa'ato'ā ō mai lea i fafo.

A latalata mai le pogisā ona 'ou
 alu lea i totonu o si ana la'ititi ma 'ou
 fa'apupu'u ai. O le taimi lenā e 'ai ai sina
 vāega o a'u mea'ai na totoe. Na lē mafai
 ona 'ou moe ona o lo'u fefe. Na 'ou fa'alogoina
 le fetāgisi ma le fetolofi o gata i

totonu o le vanu. 'Ou te fa'atalitali lava se ia 'uma le vavaō ma le pisa o gata ona 'ou iloa lea 'ua ī 'uma i ī lātou lafitaga ona 'ou fa'ato'ā alu ane lea i fafo.

Na 'ou fealualua'i solo ma 'ou tau atu i le tele o taimane. Sā 'ou tavae 'esaina ma le fa'alavelave i lo'u 'aulala. Ona o lo'u vaivai ma le fia moe na 'ou nofonofo ai i luga o se ma'a ma 'ou tautulemoe ai. E lē'i 'umi lava 'ae fa'ate'iina a'u i se mea na pa'ū ifo mai le vanimonimo, ma ta'avalevaled ane i o'u tafatafa; o se fasi povī na pa'ū ifo.

O le taimi lea na 'ou manatua ai tala a ni isi o seila e uiga i le vanu e fau ai le tele o taimane. Na 'ou fa'apea o ni tala fatu 'ae o lenei 'ua fa'aalia o ni tala moni lava. Na 'ou manatua ai se tasi tala e uiga i fai'oloa popoto. I le talu mai le taimi na taunu'u atu ai nei fai'oloa ma lātou mauaina lenei vanu, fai mai lātou te fetogiina ni 'a'ano o manufasi i totonu 'ae ī atu 'āeto ma toe la'u a'e i luga e fafaga a'i a lātou toloa'i. E fepi'iti ane ai la ni taimane i a'ano o manufasi. A ī a'e 'āeto i luga ona ī atu lea o nei ali'i ma tutuli 'ese latou mai o lātou ofaga 'ae 'ave ma'a taimane.




Na 'ou gāoioi fa'avave loa i lea taimi. Na 'ou tufiina ane ni taimane lāpopo'a lava ma fafao i la'u 'ato ma fusi i lo'u sulugātiti. Sā 'ou tago loa i le fasi posi ma fusi mau i lo'u

papātua. Ina 'ua māe'a lea, sa 'ou ta'oto faō loa fa'asaga i le palapala ma fa'atalitali ai le taimi e lele ifo ai se 'Āeto ma ū le 'a'ano manufasi ma 'ave 'ese atu ai a'u mai lenei vanu. E lē'i 'umi lava 'ae 'ou fa'alogoina loa le 'apatā a'e o 'apa'au malolosi o se 'Āeto. Ua ia ū le 'a'ano manufasi na saissai i lo'u papātua ma 'ave a'e ai a'u i luga. Na lele a'e i luga le 'Āeto ma fa'apa'u ifo a'u i lona ofaga. Na 'ou fa'alogoina le taufe'ei ma taufetuli ifo o fai'oloa ma tutuli 'ese 'Āeto mai le ofaga. 'Ua tete'i si 'auli'i ina 'ua taunu'u atu o o'u iai i totonu o le ofaga. Sā matuā lē malilie le 'auli'i. Na oso mai le tasi o 'i lātou ma fai mai, "o le mea lea 'ua 'e faia o lou taumafai e gaoi a mātou taimane." 'Ae 'ou tali atu, "ana 'outou iloa puapuagā na

o'o 'ia te a'u atonu e maua e 'outou
le agaga alofa. O le itū i taimane, e
fiu e lava taimane pito i telelē nei mo
'oe ma au uō." Ma 'ou fa'aali atu loa
taimane i lenei 'auali'i. Sā lātou 'ave
loa a'u 'i le mea o lo'o lātou tōlauapi
ai.

Ua uma ona vaevaeina lelei ofaga
ta'itasi a alii faioloa, ma o taimane 'uma
lava e maua i le ofaga a le tagata ia,
o ana lava na taimane. Na 'ou fai atu i
lē e ona le ofaga lea na fa'apa'ū i ai
a'u, e 'ave 'uma ma ia ni taimane e mana'o
ai. 'Ae peita'i na ia 'aveina na'o le ma'a
pito i sili ona lāpo'a. "O le ma'a tāua
lēnei 'ou te mau'oloa ai, 'ou te lē toe gāoioi
fo'i e fai se fe'au e tasi," o le tala lea
a lea alii ma lona loto fiafia. Na mātou
ō loa i lalo i le mea o lo'o taula ai le
va'a o le 'aufai'oloa ma mātou folau 'ese
atu. Na mātou taunu'u atu i le tasi motu ma



fa'atau mai ai le tele o ni isi o ā mātou
oloa, i le tasi o a'u taimane. Sā tele fo'i
la'u tupe fa'asili na maua ina 'ua toe
fa'atau atu ia 'oloa i ni isi tagata,
i motu na mātou afe i ai.

Mulimuli ane, ua mātou taunu'u mai
iinei i lo mātou atunu'u moni. Na 'ou
fa'avave loa ona 'ou sau 'i Pakatata.
O le mea muamua na 'ou faia o le tu'uina
atu lea o ni vāegātupe ma tagata matitiva.
Ona 'ou nofo fiafia loa lea ma fa'aaogā
le isi vāega tele o le 'oa semanū e 'uma
ai lo'u ola.

This is a story about a sailor named Sinbad. He lived in a country called Baghdad. When Sinbad returned from one of his adventures, he told his friends about the time he was left alone on an uninhabited island. The only way he was able to escape the island was by tying himself to the leg of a monstrous bird. And before he realized what he had done, he was in a valley filled with diamonds. Sinbad also told about getting out of the valley of diamonds, and how he was rescued by men who were looking for diamonds. When he arrived at home he was a rich man. So, he gave some of his money and goods to the poor people.


After Sinbad returned home safely he decided to stay home for the rest of his life. However, he still felt the desire to go back for another trip to find new adventures. He couldn't overcome his love for the open sea, and each time he came back from a trip thinking he would stay, he ended up going off on another voyage before long.

O LE NILA FA'ATAULĀITU

THE MAGIC NEEDLE




Cambridge
University
Graduate School
of Education. The following
is a sketch of the history of the school
and the text of A. C. D. Smith's
address at the opening of the new
building, delivered on October 21, 1903.
The address was followed by a lecture on
the "University of Cambridge," which was
followed by a discussion on "The place
of Cambridge in the world." The
lecture was followed by a discussion on
"The University of Cambridge, its oppor-
tunities for the young and old, and
its future." The discussion would
be followed by a question and answer session.





Manatua fo'i le 'amataga o le lalo-lagi, ma le lolo, ma Noa ma lona va'a?
 Manatua fo'i le anoano o manu 'ese'ese na 'ave e Noa i lona va'a? Ioe, na 'aveina fo'i e Noa o se Moa ma se 'Āeto. 'Ae ina 'ua mavae la le lolo, ua tatalaina atu e Noa manu 'uma i le fogā'ele'ele mātūtū. Sā iai le Moa ma le 'Āeto fa'atasi ma isi manu. Sā lē mafai e le Moa ma le 'Āeto ona felelei.



I le tasi aso 'a'o savalivali atu le
 'Āeto i le vaomatua, sā ia mauaina ai se nila
 fa'ataulāitu. Na fa'aaogā e le 'Āeto lea nila,
 ma su'i fa'atasi ai ona fulu. Sā mafai ai loa
 e le 'Āeto ona lele a'e i le 'ea. 'Ae tālofa i
 nai ana uō o Moa o lo'o savalivali pea i luga o
 le fogā'ele'ele. Na lele a'e le 'Aeto i
 luga tonu lava o ana uō o Moa, i le tasi
 taeao ma vala'au atu. "Tālofa." Sā tēte'i





moa ina 'ua lātou va'ai atu i la lātou uō
 o 'Āeto o lele a'e i luga. Ona oso ai fo'i
 lea o le fia felelei atu o moa e faifai
 mea fa'atasi ma le lātou uō. "Hei, na
 fa'apēfea ona e lele atu 'i le 'ea?" na
 vala'au atu ai le tasi moa. "Sā 'ou
 fa'aaogāina le nila fa'ataulāitu lea." o
 le tali lea a 'Āeto. Ona toe vala'au atu
 lea o le i si moa e togi mai le nila se i
 su'i ai o lātou 'apa'au. "Lēai, e lē togi
 atu na le nila ne'i te'i 'ua 'outou tia'i-
 ina le nila." o le tali lea a 'Āeto.



"Lēai, o le'ā mātou tausi fa'alelei i lau nila fa'ataulāitu," o le vala'au atu lea a le i si moa.

Sā lele 'ese atu le 'Āeto mai le mea o iai moa. I le taeao na soso'o ai sa toe lele ane ai fo'i le 'Āeto fa'alialia. Sā toe vala'au atu fo'i 'i ai le tasi moa e togi ifo lana nila fa'ataulāitu se'i su'i ai ni ona 'apa'au. Ona togi ifo lea o le nila, ma le 'upu a 'Āeto e lē toe lelei la lātou uō pe'ā leiloa le nila fa'ataulāitu. Sa tali atu moa, o le'ā lātou tausi



fa'alelei i le nila. Sā 'āmata loa ona su'i
'apa'au o le moa muamua. Ina 'ua latalata
ona 'uma sā taufetuli atu i si moa e tau-
fao le nila lātou te fa'aaogāina. Peita'i
na oso le moa lea na iai le nila 'ae pa'ū
'ese atu le nila fa'ataulāitu ma leiloa
ai. Sā 'āmata loa ona sua e moa le
'ele'ele e tausu'e ai le nila. Sa usu mai
le 'Āeto e 'ave lana nila i le taeao na
soso'o ai. Ina 'ua fa'alogo atu moa i le
'apata Mai o 'apa'au o 'Āeto alu loa la
lātou tuli lalafi i fa'apūloulou ma lalo
o lā'au. Sā lē va'aia e 'Āeto se moa,
ona toe lele 'ese lea. 'Ae toe sau le
tuli a moa i fafo ma save'u ma sua le
'ele'ele i le tau su'eina o le nila
fa'ataulāitu.

E o'o mai lava i nei ona pō o lo'o
su'e lava e moa le nila fa'ataulāitu. O
le mafua'aga lea e va'aia ai moa o lo'o sua
le 'ele'ele i aso 'uma.

In the beginning, long, long ago, the eagle and the chickens were friends. The eagle couldn't fly, and he spent his time on the ground with his friends, the chickens.

In the beginning, long, long, ago, the eagle and the chickens were friends. The eagle couldn't fly, and he spent his time on the ground with his friends, the chickens.

One day while the eagle was walking in the forest, he found a magic needle. With this Magic Needle, the eagle was able to sew his feathers together, making his wings strong so he could fly. The eagle proudly flew over his friends, the chickens. When the chickens saw the eagle, they asked, "How did you get up there?"

The eagle responded, "I used this Magic Needle." When the chickens asked if they, too, could use the needle for their wings, the eagle said, "Oh, no. You might lose my Magic Needle."

"No, we won't. We'll take good care of it", answered the chickens. At last, the eagle dropped his Magic Needle down on the ground for the chickens.

The first chicken grabbed the Magic Needle and started to sew his feathers, but before he was finished, he dropped the needle in the dirt. Oh, no! The needle was lost. All the chickens rushed over and tried to find the needle, digging in the dirt.

The next day, the eagle flew over, and all the chickens rushed to hide under the trees. And to this very day, when eagles fly over, chickens will run and hide. And when the eagle leaves, the chickens will come back out again and start digging in the dirt, still looking for the Magic Needle.



**LIBRARY USE
ONLY**

9/85



10 000020185
UNIVERSITY OF HAWAII

Pac
PZ
850829
.55

SA126